



## Skráningar- og innritunarreglur fyrir leikskóla Dalvíkurbyggðar

Leikskólinn er fyrsta skólastigið í menntakerfinu. Leikskólinn er á forsendum barnsins, en leitast er við að hafa sem mestan sveigjanleika í dvalartíma barnanna til að koma til móts við óskir foreldra. Grundvallaratriði er þó að það komi ekki niður á börnunum og leikskólamenntun þeirra.

### Fyrir hverja er leikskólarnir í Dalvíkurbyggð?

Dalvíkurbyggð býður upp á leikskóladvöl að jafnaði frá 12. mánaða aldri til 6 ára aldurs skv. lögum um leikskóla frá júní 2008.

### Skráningar- og innritunarreglur

Sækja þarf um leikskóladvöl rafrænt á íbúagátt Dalvíkurbyggðar. Mikilvægt er að umsóknin sé rétt útfyllt.

Öllum forráðmönnum er heimilt að sækja um leikskóladvöl fyrir börn sín í Dalvíkurbyggð, en skilyrði er að hafa lögheimili í Dalvíkurbyggð þegar leikskóladvöl hefst við leikskóla Dalvíkurbyggðar.

Hægt er að sækja um tímabundna undanþágu á þessu enda liggja fyrir gildar ástæður s.s. námsdvöl foreldra. Leggja þarf fram samþykki lögheimilis sveitarfélags um greiðslu á hlut Dalvíkurbyggðar á leikskólagjaldi fyrir barnið og samþykki Dalvíkurbyggðar um undanþágu frá lögheimili.

Inntaka barna er háð því skilyrði að foreldri sé ekki í vanskilum í leikskólum sveitarfélagsins. Leikskóladvöl er úthlutað ef öllum skilyrðum er fullnægt, skipulagi leikskóla og reglum um forgang. Leikskóladvöl er almennt úthlutað í apríl/máí ár hvert. Ákvörðun og úthlutun á leikskóladvöl er á höndum skólastjóra leikskóla í samráði við sviðsstjóra fræðslu – og menningarsviðs Dalvíkurbyggðar. Við upphaf á leikskóladvöl, skrifa foreldrar undir dvalarsamning sem meðal annars kveður á um dvalartíma og fæðis kaup. Með undirritun sinni staðfesta forráðamenn að þeir hafi kynnt sér gjaldskrá og innritunarreglur leikskóla Dalvíkurbyggðar.

### Reglur um forgangsöröðun barna í leikskólum Dalvíkurbyggðar eru eftirfarandi:

- Börn eru tekin inn eftir kennitölu barns.
- Forgang hafa börn með fötlun og skal þá greining vera í ferli eða lokið.
- Forgang hafa börn sem búa við erfiðar félagslegar aðstæður samkvæmt mati félagsmála- og fræðslusviðs Dalvíkurbyggðar.
- Annarra aðstæðna.
- Forgangsbeiðnir skulu berast skriflega með rökstuddum gögnum. Beiðnir sem berast um forgang eru metnar á fundi í fræðsluráði.

## Að hafna leikskóladvöl og uppsögn á leikskóladvöl.

Ef foreldri/forráðamaður barns þiggur ekki boð um leikskóladvöl við úthlutun fær umsóknin nýja dagsetningu nema ef samið er um að barnið byrji á öðrum tíma.

Gagnvirkur uppsagnarfrestur á leikskóladvöl er einn mánuður og skal miðast við 1. eða 15. hvers mánaðar. Segja skal upp leikskóla skriflega, sem skal berast leikskólastjóra.

## Leikskólagjöld og aðrar skyldur þjónustuþega

Sveitastjórn ákveður gjaldskrá leikskóla og gerir breytingar á verðgrunni að fenginni umsögn fræðsluráðs.

### Systkinaafsláttur:

Til að njóta systkinaafsláttar þurfa börn innan sömu fjölskyldu að vera skráð á kennitölu sama forráðamanns og með sameiginlegt lögheimili. Systkinaafsláttur er samtengdur á milli leikskóla og skólavistunar. Afsláttur reiknast alltaf fyrst á elsta barnið og svo í aldursröð.

- 1. barn fær 100 % afslátt
- 2. barn fær 30% afslátt
- 3. barn greiðir fullt gjald

### Aðrir afslættir

Einstæðir foreldrar og námsmenn fá 30% afslátt af leikskólagjaldi þess barns sem ekki fær systkinaafslátt. Miðast er við að foreldri sé í háskólanámi og skráð í að lágmarki 22 ECTS einingar á önn og í framhaldsskólanámi skráð í fullt nám að lágmarki 15 einingar á önn. Skila skal skólavottorði fyrir fram fyrir hverja önn og þar skal koma fram að um fullt nám sé að ræða. Afsláttur kemur til greiðslu með staðfestingu frá skóla að hann hafið lokið námi á viðkomandi önn. Stuðst er við sömu viðmið og LÍN. Afsláttur vegna náms er ekki veittur frá 1. júní til 31. ágúst.

Enginn afsláttur er veittur af gjöldum þótt börn séu fjarverandi um tíma nema um langvarandi fjarveru vegna veikinda sé að ræða (mánuð eða meira) og veikindavottorð hafi borist.

Afsláttur er gefinn af fæðisgjaldi ef barn er fjarverandi samfelld í 2 vikur eða lengur og fjarveran hafi verið tilkynnt leikskólanum.

Ef leikskólagjöld eru í 3ja mánaða vanskilum hefur leikskólastjóri í samráði við skólaskrifstofu fulla heimild til að segja viðkomandi foreldrum/forráðamönnum upp leikskóladvöl. Að öðru leyti er vísað til innheimtureglna Dalvíkurbyggðar.

Ef foreldrar/forráðamenn virða ítrekað ekki umsamin vistunartíma, hefur leikskólastjóri í samráði við skólaskrifstofu, að undangenginni viðvörðun, heimild til að segja viðkomandi upp leikskóladvöl.

### **Niðurfelling á gjöldum í Krílakoti**

Kjósi foreldrar/forráðamenn að hafa börn sín í fríi í haustfrí, milli jóla og nýárs og/eða í Dimbilviku er hægt að sækja um niðurfellingu á gjöldum þá daga (sjá skóladagatal). Niðurfelling gjalda er háð því að sótt er um hana fyrir fram. Auglýst er fyrir hvaða tíma þarf að vera búið að sækja um hverju sinni

Sumarlokun: Krílakot lokar í 4 vikur. Ef börnin eru skráð í frí 5 virka daga samfelld þess utan verða gjöld felld niður ef látið er vita með auglýstum fyrirvara.

Ekki er hægt að breyta skráningu.

Haustfrí - Krílakot er lokað, ekki er greitt fyrir þá daga.

### **Kötlukot**

Foreldrar barna í Kötlukoti fá 3% afslátt frá gjaldskrá vegna fleiri lokunardaga

***Samþykkt í fræðsluráði þann 14.6.2023***

***Samþykkt í sveitastjórn Dalvíkurbyggðar þann 20.6.2023***